

Script of Evening Gojri News Bulletin 16 July 2024 at 1700 Hrs

ايوئننگ گو جری نیو ز بلیٹن مو رخہ 16 جولائی 2024

یوہ آکا شوانی جموں بے ظفر اقبال تے عبدالمجید تیں خبر سُنو۔ پہلاں خاص خاص خبر۔

- 1★ ضلع ڈوڈہ مانہہ دہشت گرداں سنگ جا ری ٹاکرہ مانہہ 5 سلامتی دستا شہید ہو گیا ہیں۔ وزیر دفاع راجناتھ سنگھ، ڈاکٹر جتندر سنگھ، ایل جی منوج سنہا تے فوجی سربراہ جنرل اوپندرا دویویدی نے دہشت گرداں غے خلاف جا ری کا روائی گے دوران قیمتی جاناں غا نقصان ور ڈکھ گو اظہا رکیو ہے۔
- 2★ مرکزی وزیر مملکت ڈاکٹر جتندر سنگھ نے کہیو ہے جے جموں کشمیر غا خطاں مانہہ اسٹارٹ اپس ذرائع غو اجوں مکمل طور ور پتو نہیں لایو گیو ہے۔
- 3★ مرکز تے ربا ستاں تے مرکزی زیر انتظام علاقہ نانہہ کہیو ہے جے پولیس تھاناں تے محکمہ پولیس غا قبضہ آلی جگہ مانہہ گواہی دین آلاں غی گواہی نہیں لی جائے۔
- 4★ تے ماہر ذراعت وکاس پادا نے کہیو ہے جے جموں غا محکمہ ذراعت نے دوائیاں تے مسالاں غی خوشبو اور دوجا مہک دار بوٹاں غی درآمد بدھائی ہے۔

خبران غی تفصیل نال پہلاں عبدالمجید۔

Doda Encounter

جموں خطہ غا ضلع ڈوڈہ غا گھنا جنگلاں آلا دیسا علاقہ غا دھاری گاٹے اورار با گی مانہہ گذشتہ شام حفاظتی دستاں غی طرفوں دہشت گرداں غی سُوملن توں بعد چلائی گئی تلاشی کا روائی تے کہیو بندی غے دوران اک پولیس اہلکار تے 4 فوجی جوان جن مانہہ اک کیپٹن شامل تھو شدید طور ور زخمی ہو گیا تھا وے زخماں غی پیڑ نہ سہتاں واں شہید ہو گیا ہیں۔ یا د رہ جے 15 تے 16 جولائی بشکا رات نانہہ دہشت گرداں سنگ ٹاکرو تقریباً 20 منٹ چلیو تھو۔ وزارت دفاع تے وزارت داخلہ نے جموں صوبہ غا جنگلاں آلا پہاڑی علاقہ مانہہ سرگرم دہشت گرداں نال نمڑن خاطر حال ہی مانہہ اک اعلیٰ سطحی سلامتی غا جائزہ با رے میٹن مانہہ فیصلو لیو تھو

جے ات فوج تے سی آر ایف تعینات کی جا ئے گی۔ ضلع ڈوڈہ مانہہ دہشت گرداں سنگ لڑتاں واں شہید ہوا جواناں غی شہا دت ور وزیر دفاع راجناتھ سنگھ نے ڈونگا ڈکھ غو اظہا ر کرتاں واں کہیو جے شہید جواناں غا افراد کُنبا نال اس ڈکھ غی کہڑی مانہہ مُلک اُن غے نال کھلو ہے۔ وزیر دفاع نے مزید کہیو جے دہشت گرداں غے خلاف کا روائی جا ری ہے تے بھارتی فوج خطہ مانہہ امن قائم کرن تے دہشت گرداں نانہہ ما ر مکان غی وعدہ بند ہے۔ مرکزی وزیر مملکت ڈاکٹر جتندر سنگھ نے سوشل میڈیا پوسٹ ور لوکاں ور زور پایو ہے جے وے دُشمن غا پیڑا اِراداں نانہہ پورا نہیں بون دیں تے امن اور اتفاق قائم رکھن واسطے اکٹھا ہو جا ئیں۔ لیفٹنٹ گو رنر منوج سنہا نے سوشل میڈیا پوسٹ مانہہ ڈوڈہ ضلع مانہہ دہشت گرداں سنگ لڑتاں واں شہید ہوا فوجی جواناں تے پولیس اہلکار نانہہ خراج عقیدت پیش کیو تے اُن گا کُنبا غا افراد نال تعزیت غو اظہا ر کیو ہے۔ اُنہاں نے کہیو جے ہم اس غو بدلو لیاں گا۔ ایل جی نے لوکاں نانہہ کہیو جے وے دہشت گرداں غے خلاف اِک جُٹ ہو جا ئیں تے صحیح جانکا ری فراہم کریں تا نجے دہشت گرداں غے خلاف کا روائی تیز کی جا سکے۔ تے دہشت غا ماحول نانہہ ختم کیو جا سکے۔ فوجی سربراہ جنرل اُپندرا دیو ویدی نے شہید جواناں غی شہادت ور افسوس غو اظہا ر کرتاں واں کہیو جے فوج شہیداں غا لواحقین نال اس ڈکھ غی کہڑی مانہہ کھلی ہے۔ اضافی فوجی دستا علا قہ مانہہ بھجیا گیا ہیں تے آخری خبریہ آئی ہے جے دہشت گرداں غے خلاف کا روائی جاری تھی۔

Jatinder Singh

وزیر اعظم نریندر مو دی غی قیا دت مانہہ جموں کشمیر مانہہ آروما مشن تے لوینڈر سٹارٹ اپس نے ترقی کی ہے۔ اس سلسلہ مانہہ مرکزی وزیر مملکت ڈاکٹر جتندر سنگھ نے نوجواناں نانہہ کہیو ہے جے وے سٹارٹ اپس تیں فائدو چاویں تے روز گا رتلا ش کرن آلاں غے بجا ئے روزگا ر مہیا کران آلا بنیں۔ جموں غے نزدیک جگتی نگر وٹہ غا انڈین انسٹی ٹیوٹ آف مینیج منٹ آئی آئی ایم مانہہ ایم بی اے غا نواں بیچ غا طالب علماں واسطے پروگرام غی افتتاحی نشست مانہہ بولتاں واں اُنہاں نے کہیو جے وزیر اعظم مو دی سٹارٹ اپس واسطے بڑا شوق رکھیں تے اُنہاں نے کہیو ہے جے کوئی وی مُلک اُس غا نوجواناں نانہہ سرکا ری نوکری نہیں دے پاتو تے پھر سٹارٹ اپس

غے ذریعے نجی روز گارور زور دینو چاہیے۔ ڈاکٹر سنگھ نے کہیو جے جموں کشمیر مانہہ اجوں اسٹارٹ اپس مکمل طورور اجوں اتنا عام ہوا ہیں تے سرکار مو دی حکومت گاگلا5 بہراں مانہہ ان غا بابدہ واسطے کا ئے موقعہ نہیں چھوڑے گی۔ انہاں نے کہیو جے وزیراعظم نے من کی بات پروگرام مانہہ بہدرواہ غی لوینڈر غی کا شت غو خصوصی ذکر کیو۔ وزیر نے مزید کہیو جے سال 2013 مانہہ اسٹارٹ اپس غی تعداد 350 تھی جھپڑی دس بہراں مانہہ 1 لکھ 50 ہزار تیں متی ہو گئی ہے۔

Reasi CCTV

ضلع ترقیاتی کمشنر ریاسی غی طرفوں جاری اک حکم مانہہ کہیو گیو ہے جے تمام تجارتی جگہاں، ہوٹلاں تے طبی دکاناں ورسسی سی ٹی وی کیمرہ لایا جائیں۔ ڈی سی موصوف غا اس طرح کا حکم جاری کرن گو مقصد ضلع مانہہ بدھتا جرائم، سماج تے ملک دشمن عناصر بارے جانکاری حاصل کرنو ہے۔ اس سلسلہ مانہہ گل کرتاں واں ضلع ترقیاتی کمشنر نے اس طرح کہیو۔ بائٹ۔

DC Samba

ضلع ترقیاتی کمشنر سانبہ ابھشیک شرما نے گذشتہ کل اک میٹنگ غی صدارت کر غے آن آلا77 واں یوم آزادی غی تیاریاں بارے جائزو لیو۔ یوم آزادی منان غا سلسلہ مانہہ ڈی سی موصوف نے متعلقہ افسراں نانہہ کہیو جے وے زیادہ توں زیادہ تعداد مانہہ اسکول، این سی سی کیڈٹ، پولیس، سینک ویلفئر نانہہ یوم آزادی غی پریڈ تقریب مانہہ شمولیت کرن نانہہ یقینی بناویں۔ جناب شرما نے عہدیداراں نانہہ کہیو جے وے یوم آزادی تقریب مانہہ صحتتے صفائی غو خاص خیال رکھیں۔ انہاں نے ٹریفک محکمہ نانہہ ہدایت دتی جے وے گڈیں کھلی کرن اور آؤ جا ئی نانہہ بہتر طریقہ سنگ نمڑن بارے وی عملی اقدام چاویں، تانجے آن جان مانہہ لوکاں نانہہ کوئی پریشانی نانہہ آوے۔ ضلع ترقیاتی کمشنر نے افسراں نانہہ کہیو جے وے سول سوسائٹی، سابقہ پنچائتی راج اداراں گاممبراں تے مذہبی رہنماواں نانہہ وی اس تقریب مانہہ شمولیت غی دعوت دیں۔

DC Jammu

ضلع ترقیاتی کمشنر جموں سچن کمار ویشے نے گذشتہ کل جموں مانہہ اک اعلیٰ سطحی میٹنگ غی صدارت کر غے آن آلا یوم آزادی منایا جان غا سلسلہ مانہہ انتظامات غو جائزو لیو۔ جس مانہہ انہاں نے قومی تقریب منایا جان با رے پورا طریقہ سنگ حفاظتی انتظامات ہون غی ضرورت ور زور پایو۔ اس سلسلہ مانہہ پولیس محکمہ نے یوم آزادی منان غے پیش نظر حفاظتی صورتحال تے گڈیاں غی آمدورفت نانہہ بہتر طریقہ سنگ نمڑن نانہہ یقینی بنان غی گل کہی۔ ضلع ترقیاتی کمشنر نے میونسپل کارپوریشن نانہہ ہدایت دتی جے واہ یوم آزادی تقریبات منان غا سلسلہ مانہہ لوکاں غا بیسن واسطے تمام تر ضروری اقدامات کرے۔ محکمہ جل شکتی نانہہ ڈی سی موصوف نے کہیو جے محکمہ لوکاں واسطے پانی غا بندو سبت کرے۔ متعلقہ محکمہ نانہہ کہیو جے وہ پانی غا ٹیکنر موقعہ ور موجود رکھے۔ اس میٹنگ مانہہ یوم آزادی منایا جان غا سلسلہ مانہہ گل کرتاں واں ضلع ترقیاتی کمشنر جموں نے چیف میڈیکل افسر نانہہ کہیو جے وے تمام تر طبی خدمات موقعہ ور دستیاب رکھیں جس مانہہ طبی عملہ غے ہمراہ اک ایمبولینس وی موجود ہے۔ انہاں نے تمام محکماں نانہہ کہیو جے وے اس قومی تہاڑا نانہہ بہتر بنان واسطے آپس مانہہ مل جُل غے کم کریں۔

EPMPKU Jammu

کالسریاں واسطے گو رنمنٹ پالیٹیکنک جموں غی این ایس ایس ساخ نے جموں کشمیر یوٹی غا محکمہ سوشل فاریسٹری غا تعاون نال ”ایک پیڑ ماں کے نام“ مہم غے تحت گذشتہ روز بوٹا لایا۔ طالب علماں تے عملہ نے احاطہ مانہہ تقریباً 50 بوٹا لایا۔ پرنسپل انجینئر سوکیت گپتا جھیڑا اس موقعہ ور مہم خاصوی تھا نے اس موسم غے دوران خاصوی طور ور زیادہ تیں زیادہ بوٹا لان غی ضرورت ور زور دتو تے طالب علماں نانہہ کہیو ہے جے وے اپنا اپنا علاقہ مانہہ وی بوٹا لاویں۔ رینج افسر دینیش جوشی، سوشل فاریسٹری جموں غی ٹیم تے ادارہ غو عملو اس موقعہ ور ات موجود تھو۔

یہ خبر تم آکا شوانی جموں تیں سُن رہیا ہیں خبراں غا باقی حصہ نال ظفر اقبال۔

Govt Examination

مرکز نے تمام ریاستاں تے مرکزی زیر انتظام علاقان نانہہ کہیو ہے جے پولیس تھاناں تے ویں جگہ جھپڑی پولیس غا کنٹرول مانہہ آویں اُن جگہاں نانہہ گواہاں غی گو اہی واسطے متعین نہ کیو جا ئے۔ مرکزی وزارت داخلہ گا سیکریٹری اجئے بھلا نے اس سلسلہ مانہہ تمام ریاستاں تے مرکزی زیر انتظام علاقان گا چیف سیکریٹریاں نانہہ اک چٹھی لکھی ہے۔ تمام پولیس تھاناں نانہہ کہیو ہے جے وے اک ایسی جگہ ہی پشان کر غے گواہی آڈیو، ویڈیو تے کسے الیکٹرانک طریقہ سنگ کریں جھپڑی جے نواں قانون بھارتیہ ناگریک سُرکشا سنہیتا 2023 غے مطابق وے۔ قابل ذکر ہے جے مجرمان با رے بنایا گیا 3 نواں قانون بھارتیہ نیا ئے سنہیتا، بھارتیہ ناگریک سُرکشا سنہیتا تے بھارتیہ سکشیہ ادھینیم جھپڑا جے اس مہینہ غی پہلی تاریخ توں لاگو ہوا ہیں ان نے 1860 غا انڈین پینل کوڈ غی جگہ لی ہے۔

Covid Medicine Plant

کوویڈ 19 تیں بعد جموں غا ذراعت محکمہ نے اقدام کرتاں واں دوائیاں تے مسالاں غی خوشبو تے دوجا مہک دار بوٹاں غی درآمد بدھائی ہے۔ ماہر ذراعت وکاس پادا نے ان بوٹاں غی اہمیت تے شہر مانہہ رہن آلا لوکاں نانہہ اس گی بدھتی شہرت اُجاگر کی۔ مالی سال 22/2021 مانہہ محکمہ نے 561 ایسا بوٹا بیچیا تھا جد کہ مالی سال 24/2023 مانہہ محکمہ نے 2 ہزار 70 بوٹا بیچیا تے اس غی بکری مانہہ 269 فیصد ی غو اضافو ہوؤ ہے۔ آکا شوانی نامہ نگار نال گل کرتاں واں ماہر ذراعت نے اس طرح کہیو۔۔۔ بائٹ۔۔

اس غے نال ہی خبراں غو یوہ بلیٹن ختم ہوؤ۔

News Read By:- Zafar Iqbal & Abdul Majid

News Editor:- Ashok Kumar Mota

DEO:- Alam Khan

Skill:- Tarseem Lal